

**DETAIL STATEMENT (MIZO) OF THE PUBLIC HEARING FOR OIL  
EXPLORATORY DRILLING TO BE UNDERTAKEN BY OIL INDIA Ltd.,  
AROUND DARLUNG/S. SABUAL VILLAGE, MAMIT DISTRICT**

**VENUE: COMMUNITY HALL, DARLUNG, MIZORAM  
TIME : 25<sup>th</sup> August 2011; 12:00 Noon**

***Thuhma:***

*Oil India Ltd. (OIL) leh Shiv-Vani Oil & Gas Exploration Services te tangkawp chuan India sorkar nen NELP-VI hnuaiia Block MZ-ONN-2004/1 huamchhungah hydrocarbons zawn leh laihchhuah intawm inremna (production sharing contract) an ziak a. OIL hian 85 % participating interest (PI) a neih laiin Shiv-Vani Oil & Gas Exploration Services hian 15% PI a nei thung. Block MZ-ONN-2004/1 hi Mizoram laihawl vela awm niin Lunglei, Serchhip, Aizawl district bakah Mamit district thenkhat a huam a. He block hi Mizoram khawpui ber Aizawl chhim lamah awmin a zauzawng hi 3213 sq. km a ni. Inremna, PSC-angin OIL hi he block chhunga thawk tura tih a ni.*

*Tunhmain he lai bial chhungah hian Oil zawnchhin a la ni ngai lo. He lai vel ramchhungah hian zirchianna chi hrang hrang 2-D Seismic Survey, Gravity Magnetic Survey, Geochemical Survey-te neih zawh tawh a ni a, 3-D surveys pawh tih mek a ni. He zirchianna atang hian OIL chuan an inremna-a Minimum work programme angin a thawh khatna atan kum 2007-2012 chhungin hmun 5-ah verh leh enchhinna neih a tum a; thawh hnihna chu kum 2012-2015 chhungin hmun khat-ah neih leh tur a ni ang. Heng khurte bakah hian PSC-in a sawi angin oil/gas te hi a awm ngei a nih chuan lak chhuahna turin additional appraisal/delineation wells te pawh verh leh a ni ang. Aizawl khawpui hi be block hmar lam ber atangin km 5 vel a ni nghe nghe.*

**He public hearing hi hydrocarbon zawna tura lei verhna tur project chungchangah a bul vela cheng mipuite ngaihdan leh rawtna lakkhawmna tura buatsaih a ni.**

He Vantlang Inrawnkhawm (Public Hearing) hi Pu A. Biaklawma, ADC, Mamit District, Mizoram -in kaihruaiin, a ni. Mi chi hrang hrang an lo kal khawm A. Inkhawm kaihruaitu hian lo kal khawmte lawmna thu a sawi zawhin he inkhawm neih a tul chhante a sawifiah a. Oil zawn hna hi India ram hmun hrang hrangah neih niin, Darlung/S. Sabual pawh heng zinga pakhat anih thu a sawi a. Mipuite pawh he hna chungchanga an zawh duhte zawt tur leh pehhel lutuk lo turinn a chah bawk.

Hemi zawh hian, inkhawm kaihruaituin Pu C. Lalduhawma, Member Secretary, Mizoram Pollution Control Board chu he Vantlang Inrawnkhawmna koh a nih chhan sawifiahturin a sawm a. A ni hian 'Environmental Impact Assessment Notification' hnuaiiah ram hmasawna project lian tham reng rengin Ministry of Environment & Forests, G.O.I atanga Environmental Clearance an mamawh thu leh chumi atana he vantlang inkhawm hi neih ngei ngai a nih thu a sawi a. Danin a phut anga vantlang inkhawm hriattirna pawh Vanglaini leh Times of India chanchinbu-ah chhuahin hemi ni 30 chhunga Company-te buatsaih draft Environmental Impact Assesement Report pawh en theiha dah a nih thu a

sawi bawk. He inkhawm hi Oil India Limited tan ni lovin mipuite ten he project-in a environment a nghawng tur chungchanga an ngaihdan lakkhawmna tur anih thu leh mipui phalna lakna tur erawh a nih loh thu a sawi bawk. Tin, he inkhawmna-a thu leh hla zawng zawngte ziaka record vekin, a video te nen Ministry of Environment & Forests-ah ti danglam lova thawnthlak tur anih thu sawiin, heng hian public hearing hi fair taka neih a nih finfiah nan leh MPCB ten project neitute leh mipui inkarah thulai latu an nih zia a finfiah dawn bawk a ni a ti bawk. Mipuite pawh project chungchanga Company – in zirchhinna an lo neih tawh siam tha a, final report an siam theih nana an ngaihdan te tlang taka sawi chhuak turin a ngen bawk.

Mipuite chu he project chungchanga an ngaihdante, rawt belh duh an neih te Company-in draft EIA Report an lo siam tawh siam tha a, final report an siam theih nana sawi chhuakturin a ngen rualin an thu sawi tur chu he project – in a nghawng tur: an tui leh boruak a nghawng tur te, an nunphung a khawih theih dan tur te sawi chhuak turin a ngen a. Tawngkam mawi lo hmang lo hram turin a chah bawk. Company ten Central Sorkara Ministry of Environment & Forests atanga Environmental Clearance leh Mizoram Pollution Conrl Board atanga consent (phalna) an neih hma chu hna thawh tan theih loh thu a sawi bawk.

Hemi hnu hian Inkhawm kaihrui chu Pu C. Laldinkima, Geologist, OIL chu project chungchang sawifiah turin sawm leh a. Ani hian he project-a kan tawng hriat ngai loh hrang hrang ‘explore’, ‘produce’, ‘transport’, ‘refining’ te a hrilhfiah hmasa a. OIL hnathawh dan leh an hna kalpui dan turte a sawi bawk. Map hmangin an hnathawhna bial chungin Districts pa li, Aizawl, Lunglei, Serchhip leh Mamit district a huam tur thu leh thawh khatnaah khur nga (5) leh thawh hnihnaah khur khat (1) laih an tum thu te a sawi bawk. Laihna tur hmunn atanga 10 km huamchhungah environment chungchang zirchianna an neih thu sawiin, a lem nen an verhna hmanruate, a laih dan te sawiin km nga (5) a thuka laiin, a mawng lamah a zuih thlak tur thu te a sawi bawk.

He project atana helai bial chung zirchianna an lo neih dante sawiin lui tui leh boruak that dan te, a ram leilung chanchinte, thlawhhma awmte, sik leh sa, ruahtui tla zat leh a hnawn dante a hrilhfiah bawk a. Tin, hnathawhna atana tui an mamawh tur zat chu a verhna khawl atan 25-30 KLPD, chirhdiak siam nan 10-15 KLPD leh khawl sa tihdaih nan 3 KLPD a nih thu a sawi a. An hnathawhna atanga pollution awmtir theitu hrang hrang sawiin rikrum thil thleng palh thei te leh a venna hmanrua chirhdiak dahkhawmna atana khur te leh khur puak venna tur Blow Out Preventor (BOP) chungchangte a sawi bakah accident thlen palh pawha hma latu tur mithiam bik dah an nih tur thu leh bawlhhlawh sawngbawltu pawl hran an siam tur thu a sawi bawk.

Project chungchang ngaihthlak a nih hnu hian Inkhawm kaihrui chu mipui lo kalkhawmte chu an ngaihdan chi hrang hrangte zalen taka auchhuahpui ngam turin a chah a, Tichuan, sawihonain zuiin a hnuai mi ang hi sawihona chipchiar te chu an ni:

### **1. Pu R.Lalchhuanmawia, Darlung:**

“Tuna kan ngaihthlak tak oil laihchhuah chungchanga harsatna awm thei te leh hnathawh dan tur kha tuna in laih chhin tura mi nge? Lo awm ang ni ta se la, in laih tak

tak huna thil awm dan tur tih kha hriat a va chakawm ve? Lak chhuah tak tak a han teh phawt loh chuan hna a thawh theih loh ang tih te kha kan ngaithla a, khangte kha laih chhinna tur nge, a laih tak tak huna mi tur?”

**OIL:** *“Laih chhin a ni dawn lo va, laih tak tak a ni dawn a ni. Mahse laih tak tak tih khan exploratory drilling a ni a, a zawng tura laihna a ni. A hma a rawn kal kual a, verh kha chu laih kan tih hi a la ni lo vai. A zirna peng pakhat a ni. Tuna kan laih tur chu khawl lian pui nen kan ti dawn. Khata mi nen kha chuan ngaih pawlh loh tur a ni. 2D Seismic kan ti a, Seismic line nen kha chuan ngaihpawlh loh tur.”*

**2. Pu H.Biakhnuna, S.Sabual:**

“A verh khawl khan area eng ang vel a zau nge a mamawh ang? Eng ang chin nge mipuiin kan fin loh tur, a hnawk tur awm chin ni ang?”

**OIL:** *“Plinth kan ti a, chu chu kan lai zawl dawn ta a, Lammual chanve vel chu kan mamawh ang.”*

*“Tin, khaw mipui leh khalaia mi chengte tibuai lutuk lo tur khan hmun him chin ni a kan hriat ah a metre zat tih chiah a awm lo a, hmun him chin khawchhung mipuite tibuai lo turah kan in bun ang.”*

**3. B.Lalringliana, VCP, Darlung:**

“Hnathawnain a nghawngte tih kha a pawimawhin a nghawng theih tura tarlan te chu tui, Boruak leh thlai tih kha a ni a. A verhna hian verhna atanga eng anga zau nge a tih bawlhhlawh theih?”

“Tin, a hmun tak kha sawi theih loh pawhin a hmun bawr vel ang kha a sawi theih em?”

**OIL:** *“Kan laihzawl tur chin kha a nghawng tur a ni mai a. Tin, Diesel generator khu kha chuan chuti lutukin boruak a nghawng nasa lo vang. A thawm pawh sound barrier kan siam chuan Noise pollution pawh awm lutuk lo turah kan beisei. Kan verhna chirhdiak pawh ETP-a kan tihfai that chuan tui pawh a nghawng lovang.”*

*“Tin, a hmun tur hi hmun hnihah kan enchhin (survey) mek a, pakhat chu Darlung khaw rawn luh hma km tawiteah sawn a ni a, a dang chu khaw pelh lawkah a ni. Survey result atang hian Contour mapping kan siam ang a, chuta tang chuan a hmun rem zawk zawk kan thlang ang. Mahse survey result kan nghak mek a ni.”*

**4. Pu H. J.Thangruaia, Darlung:**

“An sawi hi chuan a mam pur mai a, harsatna awm lo tur ang bera an sawi niin a lang. Mahse hlauhthawn awm ber chu pollution control chungchang hi a ni. Exploratory Drilling and testing chhung hian khawl kha nasa taka hman tur a nih avangin engEmaw chen chu Air pollution chu awm ngei ngei dawnin a lang a. Rawpuichhipah sawn khua atanga km 2 velah Tantia hoin Alkatra chhuanna khawl an bun a, rin aiin a effect a zau duh khawp mai a, khawchhungte pawh a rawn tibuai thei a, helai khaw hnaiteah khatiang khawl kha a lo awm chuan Air pollution a siam ngei ngei dawn a ni. Khawthlang lampanga an tih phei chuan Air pollution hian khua hi a rawn bawh ngei ngei dawn a, khalai kha eng angin nge hma an lak tih kha ka han zawt a ni.”

“Darlung hi tlangsanga awm a ni a, tuikhur kan nei mumal vak lo va, ruahtui kan ring a, tui a harsa em em a ni. Sorkarin water tank a dah na a, a tui lakna tur a la ti bawk si lo va. Chutih lain tui lamah engnge maw chen chu pollution a awm theih hmel si a. Eng ang zawngin nge mipui tan hma in lak sak theih ang?”

**OIL:** “Generator hman tur kha Alkatra chhuanna nen khan a inang lo deuh a, chu bakah drilling operation hi thla 4-ah chuan kan verh zovin kan ring a, harsatna a awm palh a nih chuan thla 5 pawh kan duh mai thei. A pangngaiyah chuan thla 4 thla 5 aia rei a duh lo. Diesel generator pakhat chuan chuti tehvakin Air Pollution a siam lo vang. 100% chuan ka ti thei lo, mahse a tam lovang. Regular a truck tlan ai khan kan siam tlem mai thei zawk. Mahse a teha teh a nih loh chuan a tlem zawk chu ka sawi thei lo.”

“Kawng siamnaah pawh khan approach road atan metal road kan mamawh lo. Boulder phah chul mam a tawh mai a ni. Tih dum zuih kha a ngai lo. Kan chhuang khu dawn lo. Pollution ngaihtuah chuan a awm lo ang chu ka ti thei lo, tibawlhhlawh khawp leh nunphung tibuai khawp chu a awm lo vang.”

**5. Pu R. Sangliana, VCP, S.Sabual:**

“Khawl lian pui pui in rawn la lut dawn a ni a, Engtin nge in rawn lak luh ang? A luhna kawng kha engtik hunah nge in siam ang?”

**OIL:** “Kha kha kan lu tihai bertu a ni. Kan motor lian ke 12 nei chi rawn dah lut tur chuan kawng awmsa hi chu siam hlek a ngai ang. A kawng kual dan vel en ringawt hian wawi ruk vel chu ka rawn kal tawh a, solution chu kan la nei thei chuang lo.”

*“Environmental Clearance kan neih chuan hna kan tender ang a, contractor te nen agreement siamin hna chu tan theih a ni ang. Mahse env.clearance hi engtiknge kan neih dawn a la hriat loh avangin hna tan hun chiah chu kan la sawi thei lo.”*

**6. Pu Ngurthangyunga, Darlung:**

“Pollution kha a veiwam berin a hriat a, kha kha tui te thlai leh ramsate leh mihring ten lo ngeih lovin lo tuar viau ta sela, in inhnuak chhuak leh vek thei ang em?”

**OIL :** *“Zawhna kha a advance deuh hlek a, production hnu a mi tur ni zawk awm tak a ni mah zawk. Tuna kan hnathawh tur hi chu a zawwna Exploratory Drilling a ni. Oil a awm a nih pawn kan la la chhuak hrih dawn lo. Awm pawh ni se a luang zuih dawn lo. A rawn chhuak tur awm chhun chu Mud (Chirhdiak) kan zuk pump luh rawn chhuak leh a kha a ni mai. Chumi rual chuan Oil te a lo tel palh thei mahna. Mahse luang zuih tham kha a awm dawn lo a. Oil a nih chuan thlai leh ramsate chuan an ngeih lo ngei ang. Mahse production kan neih hnuah pawh chetsual palh thil hrim hrim a nih loh chuan kan ti luang zuih lo ang. Kan ui dawn lutuk.”*

**7. Pu Vanlalsiama, H/S Teacher, Darlung:**

“Darlung area velah rawn lai ta ula, duhthusam a ni a. mahse kan VCP hnena in sawi khawtlang hamthatna tur chungchangah khan keinina kan hlawkpui ber tura chu kalkawng kha a ni mai a, khawnvartui hrallhna lamah chuan engmah a hlawkna kan nei tak tak dawn lo a, kha kha duhthlan theihna kan nei ve ang em?”

**OIL:** *“Mi pahnih personal takin ka zawt a, pakhat chuan tui harsatna sutkiansak chungchang a sawi laiin pakhat chuan sum hnar pui theitu tur Agriculture Link road tih changtlun tha a ti thung. Kan sawi tawh ang khan tunah hian kan pe ang che u tih tiam theih che u kan nei lo va, mahse in mamawh in sawi te kan kha kan thlir ho ang a, management office-ah kan thlen ang a. Tanpui che u chu ka intiam a, in duh min hrilh ula hma ka lo lakpui ang che u.”*

**7. Pu Vanlalsiama:**

“A khawl in rawn lakluhnaah khan Reiek hi chu kan duh vak lo a, Aizawl lam kalkawng a hla em a, Hemi Aibawk lampang atanga in rawn lakluh ngei kha kan beisei a. Chu chu min tihhlawhtlin sak theih ang em?”

**OIL:** *“Survey kan nei ang a, a kawng hnai chu kan duh tur sa a ni. Aibawk lam hi chu a hnai zawk daih a, kan thlan chu ka ring a, Engmah final a la nih loh avangin ka tiam theih loh thil a ni.”*

**8. Pu H.Vanlalzama, Darlung:**

“Kan ngaihthlak leh zawhna lo awm tawhah khan thil chhiat theih dan turte leh hmalak dan tur eng eng emaw kan ngaithla tawh a. Chutih lain project hlawkna tih an rawn ziah ah hian “A bik takin a verhna hmun hnai awmte tan pawh chhenfakawm tak a niin hna thawh tur leh hmasawna kawngah tam takin a tangkai dawn a ni” tih a ni a. Chhiatna a thlen theih dan tur ringawt aiin helai khawchhung chhehvel mi leh sa te tan hlawkna tur awm thei leh hna tangkai awm thei tur awm ve thei chi kha hriat a chakawm a. Hengah hian mimal hna nghet emaw a huho emaw ang zawnga inhlawhna emaw, zangnadawmna ang chi emaw, mithiam bik te tan hna a awm dawn nge? Mipui vantlang tan eng ang hlawkna nge, eng ang hamthatna nge lo thleng dawn hriat ka duh a ni.”

**OIL:** *“Tu ram pawh kan hmang emaw, kan ti chhia emaw, chhe lo emaw, kan hawh emaw pawh ni se la, hun engngemaw chung kan hmang lailawk a nih pawhin a thlawna min pe a nih loh chuan tu ram mah a thlawnin kan hmang lo ang. A hu tawh pek kha chu kan tih dan a ni.”*

*“Hnathawktuah pawh a thiam leh taima leh rintlak an awm chuan a bul hnai mipui duhsak an ni ang. Mahse kan thiam a, kan inhuam a, kan inzir peih phawt a ngai. Chutiang mi tan chuan hna chu a tam dawn. Production kan neih pheih chuan Mizo mipui tan a tam dawn em em a ni.”*

**10. Pu Zoramchhana Bawlte, V/C Member:**

“Oil tam leh tam loh enchhinna tur verhna hmun mamawh zau zawng kha Lammual zatve vel a ni dawn tih a ni a. Oil lo awm tam ta se la, a tak takah khan kha mi tiat tho kha mi in mamawh dawn?”

**OIL:** *“Oil kha lo awm ta se, a verh khawl kan lakchhuah tawh chuan zim teah kan leng vek tawh. Pipe a lakchhuah chauh kha a ni tawh. A bak a awm tawh lo. Mahse a ram kha chu eng eng emaw thulhah chuan kan la hauh tho mahna.”*

**11. Pu B.Lalringliana, VCP, Darlung:**

“Oil hi laih a ni dawn a, helaiah LSC leh Periodic Patta kan lo nei nual a, Sorkar hian khang pass-te kha mimal hnen atangin a laksak thei em?”

“Area Development chungchangah khan khawtlang tana tha ber tur kan duh a. Tha ber tur tunah kan la sawi thei chiah lo a. Eng pawh nise OIL hian Area Development atan tanpuina min pe dawn a nih pawhin Village Council te leh NGO te hriatpui ngeiin min pe se tih rawtna ka han siam duh a ni.”

**Chairman:** *“LSC-ah hian a Land Value an claim thei a, amaherawh chu Periodic Patta ah erawh chuan Land Value an claim thei lo. An thlai chin chiah value an claim thei ang. Amaherawhchu LSC ah chuan a ram leilung hlut zawng, in pass-a awm ang khan pek mai tur a ni. Land Acquisition Act chu India Sorkar pawh hian a buaipui a, amendment an siam dawn mek a, tuna la sawi chian theih a ni lovang. Chumi mil chuan State-in amendment a siam ve mai thei a, kha kha chu la nghah mek a ni.”*

**OIL:** *“Tanpuina eng emaw a awm nih chuan khawtlang hruaitute hriatpuinain Deputy Commissione kaltlanga pek a ni ang.”*

**12. Pu R.Sangliana, VCP, S.Sabual:**

Sorkar hian VC hi a dah lian ang reng a, thingtlangah chuan VC ten ram an pekna pass hi an pawm hial a ni. VC in pass a pek kha engmah lo tihna a ni mai dawn em ni?

**Chairman:** *“Mizoram Land Revenue Act 1953 in en chuan VC in Agriculture Land a pe thei lo tih a ziah kalh a. Amaherawhchu House site, Hostel, Hotel, Shop Site te a pe thei a. Agriculture Land a pe thei lo. Entirna pakhatat Lengpui Airport-ah VC pass miin an lo nei a ni awm a. Amaherawhchu a land value ni lovin thlai an lo chin tawhna avang khan thlai kha an compensate zawk a ni.”*

**13. Pu Vanlaltluanga, Darlung:**

“Kawng chungchangah Motor a ngai lian tih kan hria a, heng lakluh nan hian kawng tha an mamawh ve loh si chuan kan kawng neih ang ang pawh chei that ngai a nih lain a tam zawk churawn siam zau pawp pawpin an tihchhiat belh ngei dawn te pawn a lang a. Kawng tha kan nei dawn ni a kan ngaih lai hian min laih pherh sak vek mai hmel a, Sorkar atanga siam that lehna sanction a awm loh pheichuan kawng nei tha ve tura kan nghahhlehi a chhe zawk a min tih theih a ni a. Mipui emaw Sorkar emaw hian

ngaihndan kan nei thei em? Black topping na tur pawisa an pek loh chuan kan neihsa hi min tihchhiat sak teuh dawn niin a lang a, khalai chungchang kha ka zawt a ni e.”

**Chairman:** “NLUP hmasaah khan VC te kha authorize an ni a, kha kha kan misuse nasain, a thenin an hralh a, a thenin neih hlen tur emaw kan ti a. Sorkar notification kan en chuan kum khat chhungin miin tha takin a enkawl a, patta tlak a nih chuan a hmunah Village Council, BDO leh officer dangten an endik a, an recomment hnuah LSC pek theih an ni ang tih a ni a. Mahse khatiang LSC- na tura recommendation kha khawi Village Council atang mahin a lo kal lo a. Tunah pawh hian NLUP thilah chuan phalsak chu in ni. Mahse thil dang nen kaihkawp chi a ni lo. NLUP tan liau liau khan phalsak in ni zawk. Thil dang atan a ni lo.”

**OIL:** “Kawng chungchag hi PWD-ah kan thlen tawh a, a siam dan tur pawh Aibawk SDO Pu Nghinglova'n rawn survey-in estimate pawh a rawn theh lut tawh a. Black topping kan mamawh lovang kan tih awmzia zawk chu Kawngpui atangin peng dawn ta ila, a hranpaa black top kan mamawh lo kan tihna a ni. Main road hi PWD kawng a ni a, kan khawih thei miah lo. Khawih theihna power kan nei lo. Kan khawih dawn a nih chuan, kan mamawhte PWD kan hrilh ang a, annin min tih sak ang. PWD in a khawih chuan an Black Top turah kan ngai. An tihchhiat leh anmahni ta a ni a, ka sawi loh tur thil deuh a ni.”

#### **14. Pu B.Lalringliana, VCP, Darlung:**

“Vantlang inkhawm tur kohna ah khan rawtna siam duh chuan a hnuai hming ziak hnenah theh luh tur tih a sawi a, Pu Lianlunga Sailo, Bungkawng Venglai, Aizawl rawtna hi ka han chhiar chhuak ang e. ” (copy thil tel a ni)

**Chairman:** “In rawtna hi cu Sorkar lama thlen chi a ni e.”

#### **15. Pu C.Kapthianga:**

“Ngen duh ka nei a, kan phal emaw phal lo emaw in rawn tih tho tho hmel bawk a. Aibawk leh Darlung inkarah kalkawng hi khawngaihtakin rawn thlang ngei sela. Chu chu ka rawn ngen a ni.”

#### **16. Pu Chhunkunga:**

“Hman ni lawkah khan Cabinet meetingah India ramin Oil kan intodelh loh zia leh 25% chauh hi India rama laihchhuah a nih lain, 75% chu foreign atanga kan lak ang a ni, tiin an sawi a. Tin, May thla khan Mizoram rorelna sang ber an thukhawm a, ka ngaithla a,



Champhai North bialtu T.T Zothansanga khan “agreement Delhi-a an sign dawn khan Nagaland-ah chuan an ram leilung hausakna leihnuai hausakna kha an sign hnan tlat a ni. Keini Mizoram ah hian sign hnan a awm ve si lo a, chuvangin hei hi chu thil fel lo tak a ni” tih a sawi baw k a. Tunah khan India Sorkar kut a ni tih kha kan han ngaithla baw k si a. Mizoram sorkar hian a hlawkna kha eng angin nge kan chhawr/kan lak ve dawn tih ka han zawt e.”

“Tunah hian chak takin Oil company-ten chhim lamah leh district hrang hrangah hma in rawn la ta vut vut mai si a. Tripura, Assam leh State dang atangin Mizorama hnuai oil awm te hi min hip kang sak thei nia sawi te hi a dik reng em? Oil zawn hi a hmanhmawhthlak reng em? Nge Sorkar laiin chak taka hmalak a duh vang zawk? Helai hmun tina chak taka hma in rawn la ta vut vut hi kan leilung hausakna te Digboi lam atang emaw, Tripura lam emaw Manipur lam atang emaw te hian min hip kangsak avanga hmanhmawh tul ta em ni? Company hrang hrang ten state sorkar nena agreement in siamah hian State Sorkar tan eng nge hlawkna awm ang?”

**OIL:** *“Oil India Limited leh Mizoram Sorkar ten Central Sorkar hriatpuinain contract hi an ziak a ni. Chu inremna ang chuan State Sorkar-in Oil ah 12% Gas ah 10.5% royalty a hmu ang. Kan hriatthiam theih dan turin hetiang hian lo sawi ta i la. LSC fel vek Inhmun ka lei a, ban khur ka va lai ta a. Thil hlu a lo awm ta a, Ft 6 thleng khan ka ta a ni. Ft 6 chin chu ka ta a ni tawh lo. Ka inhmun ni mahse chu chu Central Sorkar ta a ni. Inhmun ka lei hian Ft 6 chin chung lam ka ta. A hnuai lam Central Sorkar ta a ni. Khami a nih rual khan company emaw hmun dang atangin hna rawn thawk ta sela, “Ka ta alawm,” a rawn ti chuang lo ang, pawn lama a hman man chu a neitu chuan a tel hrim hrim ang. Tuman a thlawnin a rawn hmang thei chuang lo. Tin, kan ram hnuai oil awm kha Geological term-in Fold kan ti a, Mizoram, Assam., Tripura thlengin fold a kal ta a. leihnuai a khi a, indaidanna a awm a. Assam Fold, Nagatrust Fold a awm baw k. Fold 3 vel a awm a. Fold hrang hrang kha a inluan pawlh thei lo reng reng. Kan leihnuai a mi hi Tripura, Assam atangin an hip chhuak lovang. Midangin an hip chhuak thei tih hi chu i hlauthawng lo ang u.”*

## **TLANGKAWMNA:**

Hemi zawh hian minute chhiar a ni a, siam that ngaite siam that a nih hnuah Chairman-in hming a ziak hnan a. Mipui hnenah PuTridiv Hazarika, Manager, Public Relations, OIL – in lawmthu sawiin, Chairman-in a titawp ta a ni.